

opusdei.org

# Japoniarekin bat eginda.

Kultur eta kirol trukea Japoniarekin.

2014 Mai 6

Martxoaren 25ean, asteartez, Kanagawako (Japonia) Schonan High Schooleko 51 ikasle Gazteluetan egon ziren. Bi hizkuntzetako Batxilergoko 1. urtekoberen kide direnekin kontaktua izan dute eta orain kultur trukearen azken fasea ospatzera etorri dira. Aurreko urteen esperientziari jarraituz, lehen hiruhilekoan Shima Beone irakaslea

ikastetxearekin harremanetan jarri  
zen ekitaldia bultzatzeko.

Hilabete hauen bitarteko  
prestakuntzaren harremanak  
ikasleek egina izan da,  
ingelesezguztia, eta koordinatzaileak  
Joseba Martinez eta Shintaro  
Nakamura izan dira, 17 urtekoak  
biak. Epe horretan Japonia eta  
Euskadiko kultura, ohitura eta gaur  
egungo gertaerei buruzko jakin-  
nahia partekatu dute. Japoniar  
gazteek halako galderak egin dizkiote  
bere kideei: Zein diren Euskadiko  
gauza erakargarrienak, Japoniar  
komikien ezaguera maila,  
gaztediaren heroi erakargarrienak  
edota datorren udan ospatuko den  
futbolaren Munduko Txapelketarako  
apustu nagusiak. Ikasle japoniarrak  
futbol zale porrokatuak baitira.  
Ekitaldiaren amaieran bi delegazioek  
elkarren artean oroigarriak banatu  
zituzten.

Truke-ekitaldiaren muina amaitu ondoren, gonbidatzaileek ikastetxearen instalazioak erakutsi zieten kide japoniarrei, talde txikietan sailkatuta: bost ikasle japoniar eta Gazteluetako bi bakoitzean. Argazki ofizialak egin ondoren, parte hartzaileak hurbileko jatetxe batera joan ziren bazkaltzera.

Arratsaldeak, berriz, kirol kutsua izan zuen bete-betean. Gazteluetako Batxilergoko 1.urteko selekzioak, Jaime Mattheus buru zuela, Schonaneko talde baten aurka jokatu zuen; beste talde japoniar bat Gobelako zelaira joan zen Arenas de Getxo taldearen aurka jokatzeko, eta hirugarren talde bat Lezamaraino Bilboko Athleticen gazte-talde baten aurka jokatzeko. Gazteluetako lagunarteko partida euria barra-barra ari zuela jokatu zen, tarteka ekaitza ere bai, baina hala ere jokatzeko gogoia ez zen gutxitu. Azkenean japoniar taldeak 3-2

irabazi zuen. Laburbilduz, kultur eta kirol trukearen azken fasea Shonan High Schooleko ikasleekin, beti gogoan izango dugun goi-mailako adiskidetasun, kultura eta kirol jardunaldi bat izan zen.

---

pdf | document generated  
automatically from [https://opusdei.org/  
eu-es/article/japoniarekin-bat-eginda-2/](https://opusdei.org/eu-es/article/japoniarekin-bat-eginda-2/)  
(2025 Api 12)